

岐山縣志

一函
六冊

道光八年署岐山縣知縣徐通久雜著續入志後序

予於道光八年仲冬自漢中沔陽調署岐山迄今一載有餘兢兢潔已奉公毫無建樹平時勸諭士民所謂以言語感人其本已淺碑記詩啟匾對等作亦復不工茲作降周少尹諄囑列入志中因不揣鄙陋附於志後以俟後之博雅君子重修邑志或採或棄可耳道光戊子歲立夏日天津徐通久識

廣惠里重修 禹王廟碑記

粵稽

大禹平地成天功在萬世率居斯土者莫不尊親每覩通都大邑

古廟巍然民之不忘有由來矣茲土自昔導汧及岐以後渭水順流於東天柱箭括諸峰對峙太白於北綿亘六十里遂興成周八百載之基迄今高原平衍百穀豐登羣黎之世享其利而思報其功者烏容已哉邑之東北舊有

禹王廟一所創建無考元至元二十七年知縣祝嚴重建明嘉

靖三十八年知縣令狐一多重修周遭古栢九十四株今則僅有存者而

殿宇之推頽蓋已久矣茲廣惠里某某等公議重修合里捐貲樂成善舉大門一座獻殿三楹正殿三楹東首餘房一間於道光八年三月落成

廟貌旣新爰建碑碣請爲數詞以記其事予備識顛末并願岐之士民思惠迪從違之箴而趨吉背凶以保其身家思克儉於家之訓而服賈力穡以事其父兄思正德利用厚生之

慈懷而安土敦仁以世守其業於是

神庥疊至歲歲豐亨睦姻敦族比戶可風士民皆得永登仁壽之域亦職居斯土者之所深幸也道光八年三月立夏

前二日記

節二日

齊文壯不細舉士亦之似形幸以義入半三民立其
制則金五象德豐其制則德財出以四國士與貴野不徒口
為財而更士德以世其德矣

修補資福寺碑記

誌載資福寺建於元至元年間寺多蒼松巨柏後山壁洞烟雲
時出橫貫松巔如帶爲一邑巨觀舊有地畝以脩香火之資時
因經理不一其人日就廢弛棟宇凋殘墻垣傾圯周遭惟以衆
樹爲界行者過而興嗟抑亦守土者之所恥也今夏住持劉禮
福因前在郿縣尚有經理廟務難以往來兼管與約長等公舉
郭子建李本德均作住持並懇勘查地畝樹木免致日久損失
因查寺內正宇三間東偏厦三間西偏厦三間前宇三間靈官
廟一間鐘樓一間山門一座戲臺一座庵西娘娘廟一座庵後

藥王洞一座庵之周廻大小松柏共二百六十七株地畝庵東十八畝西九畝庵前五畝庵前坡下二畝庵後坡下八畝又朱家庄東有庵內墳地十二畝共計地五十四畝查明具單存卷令該住持自行耕種隨資福里納糧每年收穫之後除資福寺住持食用外餘計若干該住持與資福里約長公同核明存諸殷實舖戶以爲陸續補修之費並出示曉諭隣近居民人等不得剪傷樹木侵佔地畝現因正宇屋瓦損傷偏厦傾頽通久與同僚及資福里士民各捐微貲先行補修約長住持等請立碑碣以乘永久遵守而勿失謹識數言俾勒於石

勸修節義祠啟

嘗觀忠良堅精白之心聲名易著婦女勵冰霜之節徽美
難彰蓋砥行不出於閨門是以令聞僅傳於村邑也我

朝德化涵濡仁風翔洽久已

褒揚有典列祀有祠矣設祠宇之棟垣不整牌位之姓氏不
明其與淹沒於里巷亦何以異哉茲查岐邑之節義祠三
間久經風雨摧殘棟宇不甚修整而磚臺舊設一座自前
明至今之貞節牌位叢錯其間難以成列本縣與儒學老
師慨然興感欲於祠內左右均砌磚臺牌位即可按年依

次而列俾昭姓氏以妥幽魂凡茲村邑士民其家有節義之先人實爲伊宗族生輝當亦追思慨念不忘現計修理之費無多本縣無難捐廉獨辦因念古昔與人爲善之意爰是諭知村邑士民如有情願出資助修者可卽各量其力各盡其忱至於資之多寡不相強也

募修棋盤山 諸葛武侯祠啟 代紳士作

粵稽岐邑爲古名郡周室開基

三王流澤

漢臣盡瘁五丈昭忠羽扇綸巾勁旅曾指揮於昔日雲車風馬
英靈猶呵護於斯民自古及今淚滿英雄祭私衢路良有
以也棋盤山距縣城五十里北連五丈原山麓舊有

漢諸葛武侯祠不知建於何代迄今棟宇不完

威儀宛在空山古徑每動星沉蜀破之悲敗址頽垣更增日落
猿啼之感人非草木敢忘

神庥時值豐穰宜酬

福庇爰是同人公議亟葺抒誠合葉成陰共襄義舉惟祈慨捐
樂助并書尊芳於左

三王

學

表

升

募建

太白山廟宇啟

代岐山紳士作

嘗聞太白鍾金星之秀

神司西方調和風雨爲億萬生民之所仰賴自昔號稱神應歷
代崇祀已久卽今効靈

聖代功德之所被於西土者鉅且厚矣岐邑東街舊有

太白山神廟宇一間地甚褊狹不足以展祈禱而伸誠敬因是
某等與仝人公議另建殿楹五間於太平寺之西偏查誌
載太平寺建於宋之元祐年間實爲岐陽之古蹟建廟於
斯自足以共垂不朽且岐邑素無

純陽祖師專祠亦不足以展祀典寺內舊建

中華府君廟宇三間日就傾頽茲並公議設位於殿之東西庑
幾亨祀誠而雲帡至也惟是修建之所需必藉助勦而始
備仰報

神靈之佑護惟資善信之捐施請列尊芳並書捐數於左

夏末諭岐山鳳鳴書院生童

諭生童知悉兩月以來爾等因收穫事忙學業未免荒疎今須
勤來作課在家與居書院者均須努力用功如此好時光不宜
虛度過去正好讀書明理做個君子路上人求取科名以爲門
庭光彩毋得出外游蕩毋得聚處閑談毋得勦襲雷同草草完
篇敷衍了事及時尋取書中樂處以爲正心修身之助他日學
粹名成立德立功本縣有厚望焉各宜奮勉毋忽此諭

此为试读, 需要完整PDF请访问: www.ertongshidian.com